



UKA 2015/124  
15. oktober 2015  
Aqqaluaq B. Egede

**Uunga siunnersuut: Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaat nr. xx xx 2015-imeersoq.**

**(Aalisarnermut, Piniarnermut Nunalerinermullu Naalakkersuisoq)**

Aallaqqaasiullugu erseqqissassavara Inatsisartut inatsisissaattut siunnersuut Inuit Ataqatigiit taparserparput. Siunnersuut uumasut nappaataanik tunillaassorsinnaasunillu akiuiniarnerup siaruaatsitsinaveersaernerullu sakkortusisamik pinaveersaartinneqarnissaat siunertarineqarpoq.

Inatsisissatut siunnersuut takisuuliornata oqaaseqarluta Inatsisartut Aalisarnermut Piniarnermut Nunalerinermullu ataatsimiititaliaannut ingerlatinneqassasoq inassutigaarput. Naak suliassaq pinartorujussuarnik suliassartaqarpasinngikkaluartoq taamaakkaluartoq qimmit qimuttut qanoq paaqqutarineqarnissaat, nakkutigineqarnissaat inuttaasalu pisussaaffilersugaanermikkut artukkerneqannginnissaat pillugit ataatsimiititaliap qulaajaalluarnissaa periarfissikkumavarput.